

vet in textu: sed qui Exegesi adhibet, potest uti argumentis alienis h.
e. ex alio Scriptura loco petitis.

VIII.

Concordantias optimè tractat, qui semper consulit, & plerunq;
consulendi hunc laborem dissimulat.

IX.

Historia, & dicta gentilium à concionibus omnino haud excludi
debent: sed honor semper relinquendus Scripturae, cujus unicum verbum
totas hominum paginas vincit.

X.

Conciones allegoricae non debent contemni, si saltem allegoria,
tanquam signum, sit notior ipsa re, tanquam signato.

XI.

Tropi & omnes Figurae ad Hermeneuticam quidem spectant, ac
ad eruditum scitu sunt necessariae: verum ad Oratoriam practicam sem-
per non pertinent.

XII.

Non opus est, omnem concionem habere duas, vel tres partes:
consuetudo tamen obtinuit, ut numerus ternarius, tanquam sacer sa-
tis eleganter observetur.

